

**Nobo** ke men algu **produsí promé biaha**, algu **introdusí promé biaha**, algu ku **no tabata eksistí ainda**, algu **Nobo**, algu **Renová**, algu hasi **Nobo**, algu **fresku**, algu **deskubrí Nobo**.

**Romanonan 12:2 [AMP= Beibel Amplio]** ta bisa:

**No ser konforme** na e mundu aki, **forma** den nan **manera di pensa** i **adaptá** na nan **kustumbenan eksterno** i **superfisial**, ma ser **transformá**, **kambia por kompleto** dor di e **renovashon** di bo mente ku idealnan **nobo** i aktitutnan **nobo**, pa asina **abo por prueba bo mes** ta kiko e **bon** i **aseptabel** i **perfekto boluntat** di **Dios** ta, asta e kos kua ta **bon** i **aseptabel** i **perfekto den Su bista pa abo**.

**Nobo** ta algu ku abo **no ta konosé**, sino e no ta **Nobo**. Si abo sa ku iglesia ta kuminsá 11or di mainta, esei ta **notisia bieu**. Ora un hende bisa abo, awor iglesia ta kuminsá mitar di 11, esei ta algu **Nobo**, **pasobra abo no tabata sa esei**. E siguiente djadumingu iglesia ta kuminsá mitar di 11 atrobe, esaki ta **notisia bieu** anto, pasobra abo a tende esaki un biaha kaba, e ta awor **notisia bieu**, e no ta **Nobo** mas.

**News** na ingles tradusí na papiamentu ta **notisia**. Asina ta ku **notisia** ta nifiká originalmente, trese algu **Nobo**.

Kiko ta e rais, intenshon di e palabra **Nobo**? Òf mas fásil, kiko ta nifiká **Nobo** na Hebreo den e versíkulo aki? (*pasobra e Beibel a wòrdu skirbi na Hebreo i Griego*)

**Nobo** na Hebreo ta nifiká: un **nobedat**, un **renovashon**, un **Kambio kompleto**, **Kambio** pa mehorá.

Kiko ta e rais, intenshon di e palabra **Kambio**? Òf mas fásil, kiko ta nifiká **Kambio** na Hebreo den e versíkulo aki? (*pasobra e Beibel a wòrdu skirbi na Hebreo i Griego*)

**Kambio** na Hebreo ta nifiká: un **Kambio den otro forma**, un **transformashon**, un **transferensia**. E palabra Griego pa **Kambio** ta **metamorfósis**. Tur hende sabí ku ora un hende hasi un **metamorfósis** esei ta nifiká un **Kambio kompletamente** pa **Nobo**.

**Señor** ta **Nobo** kada dia, den henter Skritura ta yen di kosnan **Nobo**. Biña **Nobo**, kantika **Nobo**, kurason **Nobo**, karni **Nobo**, kurpa **Nobo**, mente **Nobo**, bida **Nobo**, aliansa **Nobo**, kreashon **Nobo** i e lista ta largu. Un ..... **Nobo**, yena abo su ideal **Nobo** i **Señor** lo proveé, pasobra **Su** nòmber ta **Yehova Jireh**, **E Señor Lo Proveé** [**Génesis 22:14**]

**SI** abo disidí pa bai pa e **Nobo** ku **Señor** tin pa abo, abo lo mester **Kambia**. Esei ta parti un, e segundo parti ta enserá ku **abo por prueba bo mes** ta kiko e **bon** i **aseptabel** i **perfekto boluntat** di **Dios** ta, asta e kos kua ta **bon** i **aseptabel** i **perfekto den bista di Dios pa abo**.

**Ta kiko ta e bon i aseptabel i perfekto boluntat di Dios?**

**Ta kiko ta e bon i aseptabel i perfekto den bista di Dios pa abo?**

Ki kosnan **Nobo Señor Dios Tata** tin pa abo e fin di siman aki?

Kosnan **Nobo** ku ta **bon** i **aseptabel** i **perfekto boluntat** di **Dios**!

Kada **bon kos** duna i kada **regalo perfekto, liber, grandi i yen** ta for di ariba; e ta bini abou for di e **Tata di Lus**, E **Kreador** i **Sostenedó** di e shelunan, den kua no tin variashon, **E no ta kambia** di posishon, laga nos den **sombra di skuridat**, pasobra **Dios Tata** ta **perfekto** i **nunka ta Kambia** manera **nan**. [**Santiago 1:17; Hakobo 1:17**],[**Beibel Amplio**]

Nunka lubidá ku, den tur e kosnan **Nobo** aki i **Kambio** nan, **Dios Tata Su Amor** pa abo ta na **promé lugá!!!**

6 Mei 2016

Sea Bendishoná den e Amor di Yeshua Mesias  
Rev. Remsly L Riley